




元亨釋書 一一二

特別
ハ4
5587
2



上元亭釋書表

臣僧師鍊言竊以

聖明之代必有著述其來者尚矣昔者漢武
之雄略也子長纂史記焉宋仁之寬厚也永
叔修唐書焉二作之高出諸史之上者無乃
二主文思之化乎我金仙氏之道雖方外塵
表之詮至有撰編者靡不繇旃矣嘉祥之創
梁也逢高祖之仁裕矣西明之續唐也遭木
宗之緝熙矣及天壽之成端拱也皆泰平之

遠壽院

成純

標幟矣伏惟ハ天ノ皇帝陛下
道出震ノ德重ノ竊ニ稟上聖之姿ヲ
膺中興之運街談衢話
復ス延ニ天之至和ニ

祖業

宗勳

授唐虞之淳化師鍊生無爲之

清世屬空門之斐文僧史才疎耻刪手於照
默宗記氣懦謝透爪於永安寔紹由之稗穠
禪林之樸樾者也

陛下

邁五君之德而

鍾五君之譽師鍊乏五子之才而成五子之

事熟念

明時時繁矣

昌世世多矣然當

聖代而茲書出焉豈

我君

文思之賡化而

太平之餘標乎今夫隋珠趙璧照乘夜光父
棄捐干路傍矣有一夫掇捨磨拭縑籍襲藏
玉若有知寧不怡哉其夫不自珍捧獻于一

人其人又雖威重豈無動喜容乎蓋諸師之
高德不啻珠璧七百餘年不有通傳可謂棄
捐矣師鍊匹夫之頑黠也視斯散落弗能無
掇襲如是至寶不敢私蓄敬上

陛下弗為僭越耳林下蔬笋酸餽雕蟲乞降
中書得受

官校若有可采入大藏行天下於戲璵璠之
玩弄

王者之事也匹夫唯輸貢而已然則此書之

流播

陞

階下之任也觸撼ニウカス

言ト競續伏待斧鑕ツ師鍊誠惶誠懼頓首頓首謹

元亨二年八月十六日臣僧師鍊上表

元亨釋書卷第一



傳智一之一

濟北沙門

師鍊



南天竺菩提達磨

高麗慧灌

吳國智藏

元興寺道昭

印天竺善無畏

興福寺慈訓

唐國鑑真

延曆寺最澄

金剛峯空海

菩提達磨者南印度香至王第三子也蕭梁

普通元年庚子來支那與武帝說第一義帝
不契乃渡江入魏居嵩山少林寺經九白歸
天竺其後八十有六年吾推古二十有一歲
癸酉遊此方推古女主委政太子豐聰十有
二月朔太子過和之片崗於時達磨作飢人
貌弊服襤褸而卧路傍眼有異光其體甚香
太子見之令問姓名磨不對太子作和歌問
之磨便以和歌酬之其歌詞共在國史之推
古紀也太子與飲食亦脫衣付而曰乞使安

寢病臥也

復言

復言已歸官遣人看之使者復言飢人既殂
太子悲慟命駕馳赴死所親率臣僚封樹焉
居數日太子語侍臣曰卿葬餓者非凡必真
人也使使開墳而所賜之衣在棺上餘無所
有太子便取其衣且自服之時人曰惟聖知
聖信之矣哉其太子之所築墓今尚在焉俗
呼其地號達磨墳磨之事迹詳見寶林傳燈
唐僧傳等書
贊曰至人之應世也雖不可測焉然儀相之

矯異遷化之偶合屢寄齒牙之不誣者昭晰
矣夫斯土佛種萌芽之初三草猶未穉二木
亦蔽芾豈天香之所堪昌昌乎哉惟時機之
生歟也宜乎吾祖之作餒殍乎至有印足跡
者爲後世屈蟠三千里之苗根也若夫葱嶺
逢宋雲魏帝登墓空遺隻履片崗謁太子官
使見櫛只留故衣吾祖真身拂伽所謂譬如
意去石壁無礙之者乎斯方異域合符者何
哉介後五百七十有七年建久之間心宗勃

興寬元以降祖風發越
王臣雷同士庶響合憑茲視之雖饘干時不
苟來也

釋慧灌高麗國人入隋受嘉祥吉藏三論之
旨推古三十有三年乙酉春正月本國貢來
敕住元興寺其夏天下大旱詔灌祈雨灌著
青衣講三論大雨便下上大悅擢爲僧正後
於內州創井上寺弘三論宗
釋智藏吳國人福亮法師俗時子也謁嘉祥

受三論微旨。此土居法隆寺。盛唱空宗。白鳳元年。爲僧正。道慈。智光。皆藏之徒也。贊曰。騰蘭來漢。漢人始得耳。具乘焉。然其道渾朴。無宗派之稱矣。羅什入關之後。三論之宗。聿煽諸家之割分。皆毀之矣。我欽明之聖統。海藩不替於真。曇慧道深。偕計來儀。此時佛法草昧。誘導惟微。灌公因三韓句。羗之賓起。無畏提安之唱。夏旱降大雨於天下。時渴。灑甘露於井上。藏公尋來系嗣。繩

繩烏乎三論也。爲兩朝宗旨之先登。異焉耳乎哉。或曰。曹魏嘉平二年。中天竺曇摩迦羅至洛陽。出戒本子。何稱三論爲宗之始乎。曰。魏之前。比丘出家。只剪髮而受三歸而已。迦羅見東土之缺。僧儀始行。四分戒本。竭磨法。是又沙門之通儀也。不必立爲宗也。以故其後承稟不續。至李唐南山道宣建律宗。遠取迦羅爲祖耳矣。雖儀法起於魏。而宗趣成於唐。予之前言者。宗派也。

釋道昭卅姓，鄭氏內洲舟北郡人也。居元興
寺，有戒行，譽白。維四年癸丑五月，奉敕從遣
唐使小山長丹泛海，緇侶同志者，道嚴等一
十有三人到長安，謁三藏玄奘，即高宗永徽
四歲也。藏謂諸徒曰：「此子多度人矣。汝等莫
以外域輕之，加意誘誨。」又告曰：「我往西天，食
絕路，又無人家，殆入死地，偶一沙門以梨子
與我，我啖之，氣力復生，漸達竺土。其沙門者，
汝前身也。故吾憐汝耳。」一日，藏語曰：「經論文

博，勞多，功少。我有禪宗，其旨微妙。汝承此法，
可傳東徼。昭欣愜，修習早得悟解。又指見相
州隆化寺，慧滿禪師，滿委曲開示，謂曰：「先師
僧那曰：『昔達磨以楞伽經付二祖，曰：『吾觀
且所有經，唯此四卷，可以印心。業成辭藏，
藏以佛舍利經論及相宗章疏付之，亦與一
鐺子。』曰：『我自天竺持來，煮物治疾，必有神効。
故我贈汝。』昭捧承而出，至登州，衆人多病，昭
試以鐺烹粥，或煎水與之，病者無不愈。解纜

發船風波俄惡船不進留滯七日夜一舡皆
曰海神之所爲也卜曰海神要物舡人謀曰
恐鎗子也昭曰三藏靈器遠從佛國不可失
也諸人白曰寧一鎗子博衆命乎昭不得已
以鎗入海應時風止波恬歸帆如飛還本邦
又止元興寺切諭導此土始聞八五三二之
旨又遊諸州事行化國人崇之後於元興寺
東南隅別營禪苑從昭學禪者多矣昭禪坐
之間或三日一起或七日一食或暮衆兩牙

放光讀經文武四年三月澡浴淨衣趺坐繩
床光明盈室語門人曰汝等見光耶諸徒曰
見昭曰莫妄言莫妄言後夜光透壁照庭松
良父其光指西而去昭乃逝年七十二門弟
子思其兩牙放光欲収之而先爲鬼神取去
闍毗後欲取其骨暴風忽來骨灰共失本朝
火葬始於昭昭唱導外勸利濟路傍築井諸
渡儲舡山州宇治之大橋昭之創造也昭傳
來經藉若干藏禪院元明帝移都平城昭之

徒奏於新京建禪院所謂平城右京禪院也
經書又載於此

贊曰時者難得而易失古猶病諸昭公不嬰
斯患豈垂夙摠而來與駕萬里之濤瀾預三
歲之受授是不難之遇也片帆歸來木施門
開四遠爭赴互相推排方今和州之境平城
之土併爲唯識之區宇踰六百之里霜矣亦
不失之要也加之挾以心宗旁構禪房雖乏
貽厥靈異已彰昔拘尸喪舍利未分一牙早

既被得鬼神師之奔迹逼亞出尊吾哉名稱
扶桑之暎

梵僧始於日
李未朝

釋善無畏若甘露飯王之寶也唐開元四年
丙辰至長安玄宗預夢真儀泊入對與夢無
異太悅館西明寺崇爲教主二十有三年示
滅塔龍門之西山吾元正帝覆老之間來此
土時機未稔利導無聞只延曆二十四年內
侍宣曰昔天竺上人雖垂降臨不勤請受徒
還壑冊遂令真言秘法絕而無傳云云言與

畏也畏之事迹備見茲高僧傳

贊曰聖人之隱斷猶月之印水也有水即顯無水即隱只恐無水月元不隱若久無水而謂月隱者非也當無畏之遊化此方有水此人無水方之有水雖道蹤人之無水不承接是以授受不繼記纂亦滅是所以我痛絕也僅因內侍之宣敕得綴太士之軌躅矣夫斯人而寡斯跡乎然延曆大同之間密教

宣頌其後諸子爭馳稠載而歸昔會昌之虐煥彼國此宗不振漸更五季至竟殄泯矣獨吾日域光暉益燦其不苟來也我與達磨並案焉

論曰達磨畏二師雖涉吾竟當時無承真茲書可系力遊何傳習之有又養老元年者當開元五年也宋高僧傳無畏篇無他遊塔龍門亦可疑矣曰達磨之贊不云乎其印迹者為後世之苗根也無畏吾無間然矣二師

共大法之始祖也。彼唐宋諸師有紀述者，天
竺數百年前諸祖皆盡收列焉。況此二師，錦
隔系授，適踵本土，豈於不遊乎？又子何設議，
無畏哉？雜華曰：「一念普觀，無量劫，無生無來，
亦無住。」達磨之八十六年，無畏之同時，皆一
念也。贊之所謂「齊水月也，哀哉！」子之有劫而
無水也，無畏者聖人也，豈以「一化迹拘去來」
乎？世言無畏，齊毗盧舍那經入我國時，乏資
稟，藏和之，久失寺而去。後七十年，空海遺靈

得此經，若無畏不將來此邦，幸有此經乎？
初言先有持來，誰人乞明告我，嗚呼無畏之
弟子休聽瑩焉。

粹慈訓世姓船氏內別人初事興福寺中敏
本助二師學相宗後偕宋祥法師踰海入唐
詢賢首國師法藏真華嚴深旨歸來付良辨
賢首宗稱德帝貴之賜食邑天平監實甲
年爲僧都實字元年爲興福寺主務此職自
訓始實通八年化

台教三
大部或又
善觀子三
斗故事

贊曰予求訓祥事而不得雖搜索之不至惜乎古記之殘缺也所以是吾大恐而此書之作也適見國史受封戶又荐歷任僧官政立傳焉然辦公稟二師其道大振焉我見諸師之踰渤海者咸得所著焉可謂好擇矣就中昭通之謁三藏也訓祥之親賢首之可謂的受二師之有辨也深山太澤之所由生也釋鑑其姓浮干氏唐國揚州江陽縣人齊辯士號之後也年十四從父入寺見佛像有

出塵志父知其不可羈絀付大雲寺智滿為沙彌神龍元年隨道岸律師受菩薩戒景龍二年於實際寺登壇具足戒遊二京究三藏又迴泗州教授戒律吾天平五年朱徽普照等隨遣唐大使丹墀等入唐留學天寶元年真於揚州大明寺開律講衆照等預肆席一日作禮曰佛法東流域而乏教授人昔吾聖德太子記曰我後二百年異域人興真教今當其期願事東遊真曰我聞南嶽思

公生和國弘佛法太子南我知之又聞日本
長屋王崇敬三寶製千袈裟緣各繡一偈曰
山川異域風月一天遠寄淨侶摺結暎緣就
船便施此土一千沙門我思是等事彼方必
有淨信人而滄浪渺焉跋涉惟難彼土若緣
終我豈辭勞勩二年十有二月真與二弟祥
彥道興及敬照等并徒屬八十餘人同泛溟
猛風忽起船舶數溺中夜舟人見四神著金
甲立舳艫以故無沒溺之愁然衆人恐驗厄

才德留真不得已其後又發或漂日南或赴
龍宮真本志確乎不拔遂以天寶十二年冬
棄副使伴古舶放洋天平勝寶六年甲午正
月十有二日暮大宰府四月入京敕正議太
夫安宿王迎羅城門乃館東大寺天竺娑羅
門僧菩提居道璿共來慰問王公士庶奔波
作礼真奉獻將來佛舍利三千粒阿育王塔
樣銅支提止觀玄義文句菩提子三斗晉王
布軍興行書一卷聖武上皇遣正議大夫真

由備傳宣旨朕造東大寺已十年此土未有
戒壇願師營之真敬承認上皇大悅受菩薩
戒皇帝皇太后太子公卿以下同受者四百
三十餘人乃於大猷西構戒壇院天下至今
資羯磨焉又敕賜皇子開府儀同三司舊宅
具成寶坊號招提寺本朝戒法此時方熾天
平寶字二年賜號本和尚七年五月六日結
跏趺坐向西而化壽七十七預言寂日至此
無升華歛之時香氣滿山谷真在角裁納袈

紗一千布伽梨二千旛五臺諸沙門又寫三
大藏初本朝大藏經論多烏焉之誤及真之
至敕加整勘真流曰南國時暑毒入眼患之
失明而大藏文句多所暗誦數下雌黃又諸
藥物此方不知真偽救真辨之真以鼻別之
一無錯誤度久授戒凡四萬余人
贊曰開士之赴化過武夫之臨敵者遠矣彼
毛羽矢石竿木干戈卒驅封豕陣張長蛇猶
一戲場耳故入死地出活機立功名策勲業

者武夫之勇也。真公陷地，鳥海流蛇，獠狗瘴霧傷睛，而不悔；颶風數舟，而不惶；再四躡奮，又起布教，異域揄揚，具理使此下凡之軀，見習彼大仙之威儀。毗左之軌，雖厄中微，六百餘年風範可傳。古云：仁者必有勇，勇者不必仁。是又開士之悲，所以過而遠乎。

釋寂澄，世姓三津氏，近州滋賀郡人也。其先東漢獻帝之孫，國亡竄民間，吾廬神之曆遙慕王化而至。上憐其王孫，賜滋賀地為米邑。

父百枝，富內外學，里閭敬之。嘗愁無嗣，祈衆神，既而詣睿嶽左麓神祠。其地景趣幽邃，百枝結草廬，饗香華，求子。期七日，至第四曉，得靈夢。其妻乃娠，草廬今之神宮院也。神護景雲元年生澄焉。時親族陳盛饌慶新產，澄稍長，語其時果有種色，無一老隣里，嗟異。七歲受學，聰明絕倫。十二投行表法師出家，習唯識。旁博探經論，得華嚴經起信論等，疏夙智所撼，以不見台教為恨。適於南京寫得玄義。

文句止觀四教義維摩經疏等是鑑真之帶來者也。畜思所遇優柔飫厭乃能講演然介懷於無師承也是以跣踰海之志延曆二十有一年賜入唐求法詔反以期月不許淹留蓋愛材也。二十有三年秋七月從遣唐使菅清公浮溟渤著明州界乃德宗貞元二十年也。九月赴台州至天台山國清寺道遠法師一見器許遂者荆溪上足智者七世之的孫也。遂授所傳一心三觀之旨曰弘道在人人

能持道吾道化行今其時哉并付菩薩三聚木戒澄就寫天台教門疏記又見佛隴寺行滿座主滿又然公高第語澄曰昔智者大師告門人曰我滅後二百余歲我法傳東國祖識不虛子其人也乃以荆溪以上諸藉秘蹟傾倒而付曰汝持此法文為海東傳燈之始祖二十有一年如越州龍興寺遇順曉阿闍梨受三部灌頂密教乃得陀羅尼經書印契圖樣灌頂器物曉開梨付法書曰昔開元朝

太三藏婆羅門國王子善無畏從佛國大迦
闍陀寺傳大法輪至大唐國轉付傳法弟子
義林是國師大阿闍梨年一百三歲見今在
新羅國轉大法輪又付大唐弟子順曉亦是
鎮國道場大德阿闍梨復付日本國供奉太
德弟子寂澄轉大法輪寂澄是第四付屬唐
貞元二十一年四月十九日書令佛法永永
不絕阿闍梨沙門順曉錄付寂澄又於唐興
縣逢沙門脩然得達磨一派牛頂山法蓋本

師表公傳璿師北秀禪而付干澄以故尋求
禪要及謁然公悅憚投契夏五月乘大使藤
賀能舶著長刈即延曆二十有四年乙酉也
秋入洛城便表上西土所得天台密宗諸教
文曰沙門寂澄言竊以本多禪猶局生滅
之鄉百物正名未涉真如之境豈若隨他權
教之開三乘機路隨自實教之示一乘道場
哉然則妙法難傳流道者聖帝圓教難說
演其義者天台伏惟陛下出震承圖登極膺

運東夷之鄉化歸德於先年比蕃之來朝賀
正於每歲於是萬機之暇一乘惟懷真得圓
宗垂爲大訓由斯妙圓極教應聖代而流傳
秘密真宗感皇緣而格止取澄奉使求法遠
蹈靈蹤台嶺越疆躬寫教迹所獲經論疏記
二百三十餘部并五百卷又金字法華金剛
般若等經智者大師禪鎮白角如意等隨表
奉進不任誠懇戰慄之至奉表以聞帝大悅
勅曰大唐受法供奉寂澄闍梨傳來天台諸

典籍流布天下宜爲七寺書寫七通師給禁
中上紙付國子祭酒和弘世監寫又詔道詮
守遵修同勤操茲蘊慈寬等碩師於野寺天
台院令受學新寫天台教文又敕和弘世宣
詔曰真言秘教未傳此方寂澄阿闍梨幸得
此法立爲國師九月一日敕於清龍峯高祖
道場起都會大壇撰諸寺智行氣備者受灌
頂三摩耶道詮修圓勤操正能延秀摩圓等
同預省八人野公岑守奉敕檢校法事是年

朝密懺之始也。弘仁六年秋八月，因和氏請於大安寺塔中院，闡揚妙法。於是乎諸寺碩德會集，法筵摧三乘之矛盾，準一乘之權衡。諸師伏膺，始又百枝語曰：我昔祈神祠，待汝神貺，未報汝其代之澄。乃詣神宮院，勤修經數日。香爐灰中得舍利，大如麻子，頃刻灰裏出金鏤器，大菊花許，即盛舍利，宛似舊物。弘仁五年春，詣宇佐八幡神宮講妙法華，講竟神託曰：不受法味，久歷歲華，今聽微言，何以

報德。我有法願，表觀達乃啓。前歲推出紫衣二領，神官平祝各相謂曰：我等未嘗見如斯靈感，由其一辭，多羅其二袷衣。今尚在山院，蓋登赴唐，祠立捨故，闢此講也。又於賀春神宮寺講妙經，是時曹前州田河郡吏等錄瑞雲狀寄之。澄回封告，其具曰：某等滅後，不得開緘，寂後門弟子等披閱其文，曰：今月十八日未時，紫雲光耀起，賀春塔覆法筵之庭，村民悉見。敬異之。是澄泛海時宿田河郡

賀春山下夢梵僧來前祖衣露身左肩似人
石肩如人言之曰我是賀春明神也和尚慈
悲救吾業道之身我當加助求法晝夜不
欲知我實海中急難現光為驗澄明且听山
右邊崩巖草木不生宛如夢中半身心異焉
又海中風浪果有光曜是以思神之不浪也
而建法華院自創講席乃神宮院也開講之
後其右巖之地衛生草木年年滋茂鄉邑嘆
異六年東州置經之時信州大山寺正智禪

上野千部幹緣便馬二百部馱而發忽馬不
食加鞭管不能動已而逾信宿殆廢行裝時
阪訪大神託曰我欲受澄師勸緣而未由也
故示此異耳今我助送此經預幹功之一耳
言已衆馬皆嚙刈界艱險吾國之蜀道也本
是驚駘疾如驥騶習等嘆神言之不食矣初
延曆四年秋七月澄上叡山縛草舍讀法華
金光明等諸大乘經乃發五種大願時年十
九七年於山頂創一字名曰一乘止觀院之

賀春山下夢梵僧來前祖衣露身左肩似人
右肩如人言之曰我是賀春明神也和尚慈
悲救吾業道之身我當加助求法晝夜守護
欲知我實海中急難現光為驗澄明且眎山
右邊崩巖草木不生宛如夢中半身心異焉
又海中風浪果有光曜是以思神之不浪也
而建法華院言創講席乃神宮院也開講之
後其右巖之地漸生草木年年滋茂鄉邑嘆
異六年東川置經之時信州九山寺正智預

上野千部幹緣便寫二百部馱而發忽馬不
食加鞭不能動已而逾信宿殆廢行裝時
陬訪大神託曰我欲受灌師勸緣而未由也
故示此異耳今我助送此經預幹功之一耳
言已衆馬皆齧刈界艱險吾國之蜀道也本
是驚駘疾如驥騶智等嘆神言之不食矣初
延曆四年秋七月滙上叡山縛草舍讀法華
金光明等諸大乘經乃發五種大願時年十
九七年於山頂創一字名曰一乘止觀院之

賀春山下夢梵僧來前祖衣露身左肩似人
石肩如石言之曰我是賀春明神也和尚慈
悲救吾業道之身我當加助求法晝夜守護
欲知我實海中急難現光為驗澄明且听山
石邊崩巖草木不生死如夢中半身心異焉
又海中風浪果有光曜是以思神之不浪也
而建法華院自創講席乃神宮院也開講之
後其右巖之地漸生草木年年滋茂鄉邑嘆
異六年東州置經之時信州大山寺正智禪

永夜是

上野千部幹緣便寫二百部馱而發忽馬不
食加鞭管不能動已而逾信宿殆廢行裝時
陬訪大神託曰我欲受灌師勸緣而未由也
故示此異耳今我助送此經預幹功之一耳
已衆馬皆齧刈界艱險吾國之蜀道也本
是驚駘疾如驥騶智等嘆神言之不食矣初
此曆四年秋七月添上叡山縛草舍讀法華
金光明等諸大乘經乃發五種大願時年十
九七年於山頂創一字名曰一乘止觀院之

中堂所謂延曆寺也自刻等身藥師佛像安之又思山中無大藏令諸弟子繕寫亦告平城七大寺乞加助大安寺聞寂及東州化主道忠等見義勇無遠闕其功十有七年立十講法會三十有五年奏加新天台法華宗時大乘四家華嚴法相三論律也及此並爲五宗澄又慨念此方學佛者六除法相三論外華嚴毗尼成實俱舍纔有名而已是依無受業者也一宗若廢衆喜多替非所以資政化興教法也

便奏每年覃渥外加度者十二人五宗各二俱舍成實各一制可沙門勝虞永忠等奉表賀謝弘仁十年三月奏乞建圓宗大乘戒壇其條四科帝降表南京諸寺詳定建否沙門護命抗表斥之東大寺景深等迷方示正論摘二十八失平城諸刹毀屠紛羅十有一年春二月澄述顯戒論三表奏進博引大乘戒證又作顯戒緣起反詰二十八失其詞激切著明上又降其書於南寺南寺諸師無敢聞

議者澄有願造六塔安置六千部經王東州
三所中國二所西邦一所今睿山東西兩塔
者中國之二所也其東方行化之時見信州
嶮絕長坂數十里殆千百折一日行程纔宿
半山逆旅無館行客多虞澄募緣置廣濟廣
極二院羈人多受其賜初延曆十有六年以
智行舉上供奉列教近州祖充山厨供二十
有一年和弘廿弟具綱請於高雄寺唱天台
妙義亦延善議勤操等十餘師爲和者上勅

禮部侍郎和入鹿隨喜慰問其從唐歸台州
刺史陸渾明州太守鄭審則共與公據印署
謫美又東州經塔會上野緣野寺豫場者九
萬人下野大慈寺五萬人東民嚮化如斯所
過諸列類之弘仁十有三年春二月賜宸書
傳燈大法師位記復六月四日於中道院右
脇而寂年五十有六臨亡曰吾生平口無妄
言手不^答管罰門弟子等各乞則之亦遺誠六
篇皆勤敬徒也其日江東道俗相語睿山比

季有奇雲恐有以耳後聞遷化更咽稱異十
有一日右僕射藤冬嗣捧圓戒允許之詔來
山中蓋慰初七也冬十有一月上製哭澄上
人詩六韻降于山一時公卿才子和宸韻送
山王臣遺愛如之澄博物兼知陰陽工巧醫
方等又復入者多矣義真圓澄光定圓仁等
神足者二十餘輩又名卿鉅公十數人右僕
射藤冬嗣太中大夫伴國道國子祭酒和弘
世朝請大夫和真綱其選也生平撰述註法

華經十二卷註金光明經五卷註仁王經註
無量義經各三卷天台靈應集守護國界章
持持章各十卷法華輔照付法緣起長講願
文各三卷照權實鏡決權實論依憑集內證
佛法相承血脉譜六千部法華銘各一卷十
有四年春二月賜寺額配紀元曰延曆遵先
皇之崇建也貞觀八年秋七月敕謚傳教大
師

贊曰或言人能弘道非道弘人苟無其人道

不得乎時節之間鎡其挾台宗章疏而來時
無偉器亟藏而已傳教卯金刀子鋒鋸銘如
志慕搜索早見其書不憑師訓便開講鋪逮
跨蒼波登銀地滿舟載歸何其駛乎故能亘
六百之祀安三千之徒彌久彌昌寧弘道之
其人歟予曰子之論未盡耳矣夫台教者荆
溪可謂之全備矣蓋然公遭天寶至德之亂
世抱窮愁困厄之著意覃思宗旨供翰疏記
而後台學光賁矣傳教應智者之懸識受妙

樂之備文是正承稟而已非習學之群也是
以負笈末期傳水器歸宜乎為睿峯性具之
高祖乎彼真師者自來毗尼之大匠未聞台
嶺之的嗣況在荆溪纂述之先豈旁派錄典
之善為紹系之謂乎嗚呼教之授受有數耳
矣

釋空海世姓佐伯氏讚州多度郡人父甲公
母阿刀氏夢梵僧入懷而有身在胎十二月
寶龜五年生焉母思其夢小字曰貴物年十

二外舅朝散大夫阿刀大足教世典學文翰
十八上大學雖讀儒書志在佛經偶逢沙門
勸操受虛空藏求聞持法未雜染而事修練
甫冠成就操落髮受沙彌十戒研究三論時
操在泉州換尾山寺初名教海後自改如空
梵曆十有四年登東大寺壇受具足戒又改
空海乃於佛前誓曰三乘十二部經我心有
疑未能決擇三廿十方一切諸佛願垂加祐
示我正法夢中一人告曰有大經卷名大毗

盧舍那佛變加持是具秘要也寢後問此經
無知者往來諸所懇誠尋求通於和州高市
知妙莊道場東塔下得此經披卷看閱疑滯
居多自茲志遠遊二十有二年其五月從遣
居使金紫光祿大夫藤原能汎渤海秋八月
著衡州外乃德宗貞元二十年也冬十有二
月到長安城教館宣陽坊官舍二十有一年
又教居西明寺永忠法師故院海周遊城中
諸刹擇求明師謁青龍寺東塔院內供奉慧

未阿闍梨乃不空大廣智三藏之高弟也果
見而喜曰我先知汝來相待者久矣願諸徒
曰是沙門者第三地菩薩也夏六月入大悲
胎藏大曼荼羅投花花著中臺果嗟嘆以爲
大器即沐五部灌頂之誓水秋七月入金剛
界大曼荼羅八月授傳法阿闍梨位灌頂是
日海設五百僧齋果與金剛頂等諸密經并
圖畫曼荼羅及諸道具曰昔大毗盧舍那卅
尊以秘密真言印付金剛薩埵埵薩埵埵傳龍猛

菩薩展轉至大廣智智爲三朝灌頂國師亦
付我汝有秘密大極器故我兩部大法秘密
印信皆悉授汝宜以此金剛乘教及三藏所
付供養什物歸本土傳布國界然則四海安
泰萬民豐樂是亦報佛恩酬師德也又一日
語曰瑜伽者密藏也儀軌圖器諸深秘之者
見行經書或遺而不載假使聞見秘記不藉
調造子亦不委便召供奉畫工李真等十餘
人面胎金諸曼荼羅一十鋪又令供奉鑄工

揚忠信等新造道具一十五事又集二十餘
輩經生寫金剛頂等諸秘經皆并付之海又
逢蜀賓般若三藏三藏曰我少年入道經歷
五天常擔傳燈來遊此間亦欲泛海游化東
域時緣不熟我志已矣今與汝所譯華嚴六
波羅蜜經及梵夾汝其持去通我夙志則出
經夾付之元和元年秋八月歸乃大同改元
丙戌也敕令流通傳來密乘弘仁帝敕於宮
中會諸宗碩師各唱所習海立即身成佛之

義諸家手拆之海辯論精審上語海曰義雖
玄極朕思見證海即入五藏三摩地觀忽於
頂上涌五佛寶冠放五色光明威容赫如也
上離御榻作禮群臣皆起拜時三論之俊道
昌唯識之髦源仁華嚴之英道雄天台之傑
圓澄等皆豎降旗十有三年大同太上皇入
壇灌頂帝者鄒灌於此始焉海已大興密教
救迷所業海則毗盧遮那經及菩提心論著
十住心論品藻諸宗第一異生羝羊心第二

慧童持齋心第三嬰童無長心第四唯茲無
我心第五拔業因種心第六他緣大乘心第
七覺心不生心第八如實一道心第九極無
自性心第十秘密莊嚴心鱗次配抵作家之
者或有問議然東密之者至今取法初海得
探師求聞持法乃躋阿州大隴之嶽修供時
大晴朗忽寶劔落座前又往土州室戶崎誦
修如上至五更明星飛入口已而得聞持悉
地爾來身心勇健堪任頭陀被葛而經冬絕

膳而過復精進苦行朝懺莫悔天長元年大
旱春三月敕海於神泉苑修請雨經法時守
敏法師奏曰守敏卅壽法臘共邁千海允承
詔爲適宜乃詔敏敏以七日爲期散朝陰雲
厚布都下暗如夜雷鳴雨灑舉朝感異救見
雨之所霑只東西京而已亦詔海過七日不
雨海入三摩提見之守敏咒諸龍入一瓶海
奏延二日告諸徒曰池中有龍號善女阿釋
達池龍王之族也此龍現形必得悉地時今

龍出長九尺許弟子具雅實慧真曉真然等
七人得見餘不觀海奏事敕和真綱以幣物
供神龍散日重雲震雷大注膏雨池水盈然
至火壇之畔霖沛三日天下皆洽救加優賞
內州有一寺其地元龍池龍移他虛池又涸
寺衆苦無水海點一所加持清泉忽沸因號
龍泉寺嘗修不動使者法海身出火燄或入
水想觀室內成他其神異多類之初弘仁七
年遊紀州相勝攸上高野山創金剛峯寺十

有四年正月敕以東寺賜海建灌頂院海桂
青龍寺法式每歲二序行灌頂事乃置慧果
所付健陀國袈裟及念珠為寺鎮天長二年
敕改高尾神願寺名神護國祚真言寺賜海
承和元年海奏氣准唐國內道場置真言院
於宮中敕以勘解由司廳為曼荼羅道場每
年正月後七日息災增益修法至今不絕二
年正月奏置試度三人毗盧遮那經業金剛
頂經業聲明業各一人初弘仁十有一年上

賜宸奎傳燈大法師位記天長之始爲僧都
承和二年海在金剛峯寺三月二十一日結
跏趺坐作毗盧印泊然入定先七日共諸弟
子念彌勒寶號至此日瞑目氣絕蓋持定身
待龍華也年六十二門人爲七七忌其間鬚
髮生身體暖經五旬諸徒剃髮整衣歛全身
壘石造壇立率堦波其上定後四日上敕內
舍人弔喪及贈賻太上皇降弔書曰具言洪
匠密教宗師邦家憑其護持動植荷其德惠

遺圖嶠嶺未通無常遽侵速馳草書弔慰大
定海在豆列桂谷山寺以指向空寫大般若
經至覺事品字畫忽現空中自此工筆翰能
五筆一時書或書水上墨不乱壞奉勅書大
內南門諸額又書應天門額已挂之仰見應
字上點欠一海乃擲筆補之毫無差邪王臣
伏其妙撰述尤多秘府論三教指歸性靈集
等家家誦習傳來佛舍利八十粒梵夾三經
疏二百一十六部四百六十一卷諸曼荼羅

寶器道具不遑具記延喜二十有一年冬十月賜謚弘法大師

贊曰有非常之志建非常之事不是強爲天機之所使也緣見登壇具戒則能對佛立誓是大機之所使與故踰鯨波之險危得龍樹之深秘故國山川雲行雨施若失

宮中之紺宇建護國之儀頂上之寶冠證成佛之義者又非天機之所及而已昔飲光尊者正受維尼千歲之下少有人繼見彼南山

壽室有伽藍疑是同一三昧乎唯其次金欄伽梨之爲異耳矣

元亨釋書卷第一

元亨釋書卷第二

濟北沙門 師鍊 撰

傳智一之二

建仁寺榮西

慧解二之一

龍門寺義淵

大安寺道慈

元興寺智光

東大寺良辨

善珠法師

元興寺明詮

東大寺明一

元興寺慈實

梵福山善謝

普光寺慈雲

勝悟法師

善議法師

安澄法師

光意法師

秋篠寺常樓

常騰法師

品慧法師

道證法師

奉實法師

石洲寺勤操

元興寺護命

海印寺道雄

延曆寺安慧

延曆寺義具

延曆寺圓澄

釋榮西號明菴備之中州吉備津官人其先
聖陽氏薩州刺史貞政曾孫也母田氏懷孕
八月而誕母無困惱永治元年四月二十日
明星出時也隣人曰傳聞不祥期而有產者
不利其父母焉母聞之不乳三日兒又不呱
有沙門陽嚴往來賀家以事告其父父大嗔
曰兒已死乎對曰猶活也嚴誡婦家鞠育甫
此始漸浴八歲從父讀俱舍頌聰敏邁群兒
十一師事郡之安養寺靜心心者嘗於三井

與西父同業，以故就焉。十四落髮登睿山，戒壇十七心亡，遺言曰：汝尚幼，故不授密法。我歿，汝其役法兄千命。乎十八，命授虛空藏求聞持法，自此精進，屢見靈感。十九赴上都，從睿山有辯學台教，應保二年。天下疫，西思恃怙罹災，歸本邦省親。又就命稟灌頂伯耆，大山有基好啓，密乘之肆。西璽足依之，盡得其蘊。又還本山，重受顯意法師密灌。仁安三年，復四月乘商舶泛瀛海者，宋國明州界。乃

孝宗乾道四年也。五月發，四明赴丹丘，適與本國重源遇，相伴登台嶺。秋九月，共源理歸檄，以所得天台新章疏三十餘部六十卷呈座主明雲。明雲見疏，加嘆。西又以宋地台宗酬酢之言及彼地名德書文與雲。雲曰：汝於支那揄揚台教，亦我國之法華也。西又跋大志，欲重入支那，達於印度，拜牟尼八塔，爲滅罪之要。於是乎門下侍郎平賴盛與西厚，聞西之西遊，常過行裝，以故未遑發文治之。元

平氏凋殄侍郎尋亦率遂以三年夏重入中
域徑趨行在謁知府按撫侍郎表奏過竺之
事于時朝議報曰北蕃強大西域皆隸關塞
不通何行之有西素志不果辭鬱若亡舶主
促還放洋三日逆風俄起反溫州瑞安縣西
謂我未究奔馳風濤豈激我乎乃下舶與十
數輩又向赤城時虛菴敬禪師住萬年寺黃
龍八世之嫡孫也初戊子之行明州廣慧寺
知賓之者問曰子之國有禪乎對曰我邦台

教始相傳教太師傳三宗而歸方今台盛正
熾禪滅者久矣西承之之者也恨祖意之不
全矣故航海來欲補禪門之缺不知得庶知
客又英祐也頗發益而西廢于捐友其秋
早歸夙志勉勵其至虛菴菴問曰傳聞日本
密教甚盛端倪宗趣一向如何對曰初發心
時即成正覺不動生死而至涅槃菴慰誘曰
如子言與我宗一般西自此盡心鑽仰親炙
者數歲耳鼎之未菴移升並西亦行補助多
鑽

矣紹熙二年秋辭卷惠付僧伽梨書曰日本
國千光院大法師宿有靈骨洪持此法不遠
萬里入我炎東探蹟宗旨乾道戊子遊天台
見山川勝妙生大歡喜至石橋焚香煎茶禮
住世五百太羅漢等及本國夢境恰恰二十
年雖音問不繼而山中考宿歷歷記其事今
又再遊此方相從老僧宿契不淺志操可貴
不得不示法旨昔釋迦老子將圓寂以正法
眼藏涅槃妙心付囑摩訶迦葉二十八傳而

茶

至達磨六傳而至曹溪又六傳而至臨陳八
傳而至黃龍又八傳而至予今以付汝汝當
護持佩此祖印歸國布化開示衆生繼正法
命又達磨始傳衣而來以爲法信至六祖止
不傳汝爲外國人故我授此衣爲法信則乃
祖耳先是在萬年日啟語曰菩薩戒禪門一
大事也汝航海來問禪於我因而付之及應
器坐具資餅拄杖白拂其圖迦文已下二十
八祖達磨以來至虛菴嫡嫡相承不指橫枝

五十三世系連明敷西趨出到奉國軍今改慶元
府乘揚三綱弘著平戶島藺浦本朝建以二
平辛亥也戶部侍郎清貫創小院延之秋八
月八始行禪規纔十數輩不幾海衆滿堂遂
入平都倡禪道初已酉歲有能忍若聞宗同
宗門盛造其徒附舶扣問育王佛照光禪師
照隣異域之信種慰誘甚切寄以法衣及替
達磨像忍訖光之慰寄設唱禪宗已之師承
亦無戒按都下鄙之近西演心宗摺紳士庶

欲混忍而擯又筑前宮崎有良辯者嫉西之
禪行誘睿山講徒訴朝竄逐六年詔藤相國
召西府裏以主當令仲資微問尚書左丞宗
賴預聞西排斥偽黨舉唱真乘詞辯渙然冠
纓聳聽西曰我禪門者非特今始有之昔睿
山傳教大師嘗製內證佛法相承血脉一卷
其初乃我達磨西來之禪法也彼良辯愚
無知引台徒誣我禪宗若非傳教亦非傳教
若非台教不立台教不立台徒拒我乎甚

矢其徒之闡其祖意也于時台宗有識之者
以西言爲善因是睿衆輔西禪化西又與忍
抗辯宗義往反數番忍杜口而退以故西之
道行盛于郡城西示衆曰我此禪宗單傳心
印不立文字教外別傳直指人心見性成佛
其證散在諸經論中今且出一二以論汝等
華嚴曰初發心時便成正覺淨名曰心淨佛
土淨楞伽曰如來清淨禪大般若曰第一義
無有文字法華曰唯佛與佛乃能究盡諸法

實相又曰諸法寂滅相不可以言宣涅槃曰
如來常住無有變易毗盧遮那經曰我覺本
不生出過語言道解節經曰自證無相法離
言說四事文殊問經曰此法不思議離於心
意識占察經曰一實境界者謂衆生心體從
今以來不生不滅自性清淨起信論曰離言
說相離心緣相智度論曰般若波羅蜜實法
不顛倒念想觀已除言語法亦滅是等文繁
今出少分耳又曰此事只在行住坐卧處添

一絲毫也不得減一絲毫也不得便恁麼會
去更不費些兒氣力纔作奇特玄妙商量已
無交涉所以動則生死之本靜則昏沉之鄉
動靜雙忘顛顛佛性揔不恁麼畢竟如何若
是旨外明宗終不言中取則直下便見撩起
便行箭已離絃無返迴勢千聖也摸捺不著
或未到此田地切忌產心大膽一向掠虛到
臘月三十日揔不著又曰古人所謂大事未
明如喪考妣釋迦老人爲一大事因緣故出

現於世且道大事又作麼生明直須當人未
悟一回親到方開自家口說自家話若也未
悟縱說得五千四十八卷盛水不漏也只是
法身量邊事於是大事遠之遠矣試舉古人
悟處自家商量看如羅山和尚一日問石霜
和尚曰起滅不停時如何霜曰直須寒灰枯
木去山不契卻往巖頭和尚處如前問頭喝
不是誰起滅山言下忽然大悟且道悟箇什
麼他古人念此在茲十二時中綿密做工夫

直是以悟為則發一問決擇此事尊宿應病
與藥唯以病去藥除全體輕清為驗後學不
達本源強分優劣曰石霜是死語巖頭是活
語如此見解買草鞋行脚始得不領鉤頭意
錯認定盤星所謂師子咬人狂狗逐塊也西
少形短同學朝曰子雖才辯身體畢矮稠人
之中廣眾之時恐人不貴子也西應聲曰盧
舜王赤縣晏嬰相齊國皆未聞長也同學姜
淮西雖辯一時心實耻之便以所受求聞持

法期一百日精祈始入壇時於堂前柱刻身
長過期倚柱長前四十餘戊子歲上台山見
青龍於石橋感羅漢於餅蕉因而供養異花
現蓋中又返明州詣阿育王山見舍利放光
西在萬年三門兩廊缺焉西捨三百萬舉二
役先二百餘祀中天那蘭陀寺三藏室利跋
陀羅之所造也寺之主者及大眾皆曰梵語
室利此曰吉祥西公上字義相近西天東域
前後此德名義合符為不徒耳又修觀音院

大慈寺者塔院及天童山千佛寶閣建久
三年於香推神宮側構建久報恩寺始行善
陸大戒布薩六年創聖福寺千菴之博多此
春分升台山菩提樹栽東大寺初西在台崩
取道遠法師所栽菩提樹枝付商船種筑紫
香推神祠建久元年也西以謂吾邦未有此
樹先移一枝于本土以驗我傳法中興之効
若樹枯槁吾道不作蓋菩提樹者如來成道
之靈木也世尊滅後一百年師子國王文佛

記共佛舍利得南枝盛金甕移殖南宋之初
求那跋陀羅始栽廣府其後遠師分台峯并
以西為法信寄來逮東大寺復救以此木移
為元久之始西又取台枝栽建仁東北隅兩
處茂盛垂蔭數畝至今繁焉天下分栽建仁
二年金吾大將軍源賴家施地于王城之東
營大禪苑三年六月尚書省割置台盛禪三
宗西即而構真言止觀二院于寺元久二年
春三月畿甸大風都人謠言比來西師新唱

禪要其徒衣服異製仿梨博幅直極大袖行道之時多合颺風今異一作災恐基於西乎巷謳甚喧達天聽詔有司驅西出都西聞敕下語徒曰今日吉日是吾法成之秋也汝等早往堀川買寺材諸徒匿笑既而官使至西曰風者天地之氣非人之所作也其神曰飛廉豈西之能乎不干於西者明矣若又有不能作風者其人尤靈不爲凡矣明主不漫加放逐審詳兩端西之不出都者必也官使奏

西言上曰此比丘言詣微重敕曰無所羨乎西因而陳營攝依之建仁上爲官寺得有司監護建永元年秋九月敕主東大寺幹事寺懼治承寇火修營未竟以西德望朝廷有此授不踰四載不廢層塔凡當有之所悉備足去承元二年洛東法勝寺九層大塔災勅門下侍郎藤公經監修造豫周二州充其費三年秋八月猶未成一級朝議以西之幹東大興付以塔事西不得辭其落亦如東大之歲

初平侍郎奏賜紫衣建保元年擢僧正初良
辯謗西一夕夢西自宋國歸齋白米普種諸
別覺後改悔稱揚歸降間有誹者辯曰勿言
西公非汝等毀譽境界三年西在相州龜谷
營壽福寺一日辞源僕射實朝僕射曰師已
老寺未成何事行乎對曰我欲入王城取滅
耳僕射曰至人出沒豈擇地乎對曰都人初
聞宗門疑信胥半我當唱末後句顯煥王都
耳即命駕歸京復示微疾六月晦布薩次告

家曰孟秋單五吾之終也都下喧傳至宸扆
到期上遣中使問候西對宮使曰已近而姿
儀壯健諸弟子傍聽潛怕晡時坐椅安祥而
逝中使未還宮於塗聞路人譁稱見瑞虹干
寺上實七月五日也年七十五臘六十三西
知見廣大三閱大藏以法道之寄為已任故
顯密之教多所補弼至於宗門雖斑斑見干
前皆乏貽厥今之學者推西為始祖嘗曰我
役五十年禪宗大興於世文應弘長以降介

千慧日隆于巨福皆如西之言二師又領建
仁可謂奇中矣生平著述興禪護國論三卷
一代經論摠釋日本佛法中與願文不二門
論三部經開題等各一卷密部甚多不盡記
贊曰仲尼沒而千有餘載縫掖之者幾許乎
只周濂溪獨擅興繼之美矣建仁去睿峯者
殆千四百年其奮激之志發于妙齡也見夫
因攀牛山之橫枝得受龍峯之正派豈所謂
尋樵子徑到葛公家者乎初志雖補傳教之

瀛

遺意後世皆推禪門之大祖因茲而言所以
過周氏為不鮮矣加之求法之跡瀛海再留
印文興福之光和宋共殘輪奐嗚乎壯乎哉

慧解二之一

釋義洲姓阿氏和州高市郡人其父無子
祈觀自在像一夕聞兒呱出見之柴籬上有
一包香氣芬郁開而見之小兒也父母喜而
收養不數日而智天智帝聞之同皇子鞠育
崗本宮後出家從智鳳學唯識又入唐稟智

周法師相宗少設周者慈恩基公之上首也
歸朝咸倡相宗受其業者行基道慈玄昉良
辯宣教隆尊等也又勤營建龍蓋寺龍門寺
龍福寺皆淵之構造也大寶三年爲僧正神
龜五年十月寂勅禮部監護喪事
贊曰淵公其駕願力而來者乎不啻其誕育
之異也口化之迹博而遠矣昉之胤雖不盈
十世而今之言相者咸教之裔也非駕願力
豈其爾乎

○釋道慈姓額田氏和州涇川郡人也事吳智
藏稟三論學大寶元年入唐請益干時武后
長安之始也蹈勝地尋明師經律論多涉獵
益究三論之旨養老元年歸感唱空宗天平
九年冬十月啓故勝會於大極殿其儀同元
日敕慈爲講師初元年將新大官寺下勅就
伽藍營造之宏規時無委者慈奏曰臣在唐
時偷畧西明寺心中誓念若歸本土願道福
願規模之今陛下之睿志臣之先抱也即上

之上大悅。詔慈為造寺監護而居焉。又勅賜封戶及扶翼童子。其封詔曰：法師遠涉蒼波，覈異聞於絕域，遐游赤縣，研妙機於碩師。參跡象龍振英，秦漢戒珠如滿月，慧水似巨瀛。宜施食封五十戶。十六年十月，滅年七十餘。慈在唐建密者，得虛空藏求聞持法。慈傳善議，議傳勤操，操傳空海云。贊曰：寂勝會者，官中法事之第一也。偉哉其儀，同元日焉。於以應見吾。

聖武大帝歸崇之專壹矣。雖南梁孝武北齊文宣不能軼耳。慈公高踞主席，其人可識。況天平之間，英俊森列乎？

釋智光內列人共礼光。止元興寺，得智藏三論之深旨。藏之室中推二人為神足。有靈叡者，受于二光。今之三論家皆眷之胤也。禮暮年禁語音，智問焉，渾無所答。數歲禮逝。智嘆曰：禮者少年之莫逆也，近歲持不語思精修也，而不知受生何處，祈念三二月一夕夢至。

禮所嚴麗光榮智問此處何乎對曰極樂界
子以懇志且來此也然非子居早出去智曰
若是安養亦我夙樂偶至斯何須歸乎禮曰
子無行業不可居智曰我生平見子行無過
我近只持不語耳又言我乎禮曰我洽見經
論頗委淨業往生資糧無加觀想是以絕言
語謝人事四威儀中專觀彌陀相好及淨土
莊嚴積功累德今生樂邦我若不絕言語不
謝人事不謝人事不至純想子今詰乎我智

曰然則乞受訣禮曰子盍問彌陀智即共禮
詣佛所莊嚴光色又過禮所智頭面作禮白
佛言何等是往生正修業佛告智言觀如來
相好及淨土莊嚴智曰今見此界廣博嚴飾
心眼不及況又如來相好豈凡慮之所堪乎
於是彌陀便舉右手智見堂中現小淨土嚴
飾具足智覺命工畫佛堂淨土常自觀之其
後吉祥而逝其圖見在元興寺世爭摸寫
贊曰二光者三論之翹楚也智昔落節于行

基今考終始過而能改者也善哉君子之道
 矣而已其掌中淨土者夢中之遺澤乎
 釋良辨姓百濟氏近州志賀里人或曰其母
 祈觀音像而得二歲時母桑焉置兒於樹陰
 忽大驚落捉兒而去母悲望趁驚而往不歸
 家初南京義淵詣春日神祠見鴝鳥干野將
 小兒也驚見入而避淵收而歸甫五歲就學
 聞一知十稍長淵誨以相宗又從慈訓法師
 受華嚴奧旨訓共審祥親稟於賢首故辯為

賢首的孫也訓祥不振至辯大昌聖武帝加
 敬崇東大寺大像辯之勸化也天平五年建
 金鐘寺寶字四年為僧正寶龜四年閏十一
 月十六日卒始母尋兒跋涉山川經三十餘
 歲而不遭不得已而赴故里乘舟沂淀河舟
 中人相語曰世有奇事南都東大寺良辨法
 師年纔三十余學超倫輩擢為帝師昔義淵
 僧正見鴝鳥弄兒取而育漸長大成此國器母
 聞之疑是我兒乃往南京潛尋東大比丘語

此事比丘曰辯公高貴嫗之言似續德吾不欲聞嫗若實母伺其出書事千簡置路俟母如教辯如春日祠留與視簡乃問之母告實辯曰我師義洲舉我實如嫗言我亦思見母未由也今偶相逢我甚嘉之然生平有驗乎母泣曰我昔無子祈觀音像產公以故刻一寸一分大悲小像挂兒頸臚提兒時像猶在焉不知公稚時有諸辯鳴咽而言我七歲淵公授觀音小像曰我得汝時此像懸汝頸恐

汝父母付之乎汝不知父母惟像惟見焉我自爾奉持未嘗離體然則嫗者實我母也自楮中出像呈母母見像宛如也母又知辯之真子也辯便奉母歸舍院側竭哺養焉

贊曰相者謂余曰辯師之事世皆以爲異也我宗不爾何以故世之所以異之者徧計執也殊不知依佗起也又辯之所以立者豈非圓成乎余曰子之論未盡耳我見辯之遭我已是入法界品也相者曰何也余曰法界之

中以童兒婦人爲知識也。因此而言靈鳥者，其善介良媒哉！儒者尚曰：禽獸夷狄皆人也。況事事無礙乎？何足怪焉？相者絕倒適以一時之餘論綴于此矣。

釋善殊姓安部氏京兆人或曰太皇后藤宮子之孽子也。少魯鈍而以此爲恥，學唯識宗習，因明論，昏窒不通，勵志無撓，時毒暑頭腫如熟瓜，鬚髮盡落，殊之勤業罕類之，以故博該三藏，延曆十六年正月侍皇太子病，事在

資治表，其年四月化，歲七十五。

釋明詮，十許歲離家入元興寺學，相宗性不敏，志抱屈，乃欲出他之適，雨降憩殿陛，見簷溜落階，其石皆窪，忽猛省曰：至未穿至堅，漸積之爲也。我雖昏愚，豈可息乎？便還房勵所業，晝夜不懈，寢食齊舍，自此得高譽於南方。貞觀六年任僧都，十年五月十六日卒，年六十。

贊曰：學貴勤勵，不在鈍利。苟無激志，道不至。

也珠公頭如熟瓜心蓮堅石繫髭刺服皆不
及矣是其所以該三藏粹唯識也我今合詮
以爲後世負笈者之標式矣

釋明一姓和仁氏居東大寺宣揚真教學者
多依晚置後房時人曰薔蔔雖凋尚含四照
之色芝蘭半落亦送十步之芳歲七十一化
延曆十七年也

釋慈實姓朝戶氏和州平郡人從元興寺勝
悟學法相宗恒稱其敏慧晚設院閨學者雖

優才頗思之弘仁十年十一月卒壽六十二
贊曰釋氏之所以異世俗者不立閨閣也苟
有繫戀豈爲梵法乎多智禪定而不斷姪皆
成魔屬是撈嚴會上嚴誡之佛勅也一也雖
防慈恩之初不慎羅什之末吾徒之太愚也
此書何系列邪十步之芳四照之色弃其緩
收其急世人又取於泥白乎人皆小疵匿大
德一獨大疵猶不匿豈德大而不容匿乎所
以是予之合實而不削也

釋善謝姓不破氏美洲不破郡人從理教法師稟法相漸通六宗桓武帝擢置僧職晚入梵福山修安養業延曆二十三年五月終于梵福歲八十一

釋慈雲姓長尾氏平安城人景雲四年得度學業優贍講無性攝論等爲普光寺講師生徒多趨宿德推之寂年四十九大同二年也釋勝悟姓凡直氏阿州板野郡人也受業於尊應應者神睿之高弟也道業清高洞明經

戒姿儀可見言語有味護命慈寶泰演等皆出其門世稱得人焉弘仁二年六月卒年八十

釋善議姓慧賀氏內州錦織郡人奉道慈受三論之學又蹈滄浪入唐請益當時學徒推博於議歲八十四滅弘仁三年也

釋安澄姓身人氏波州舩井郡人善議之上足也大啓空宗兼學密教與勤操結誓以弘法爲已任爲人敏給議論絕倫唯西大寺泰

演時爲匹敵弘仁五年三月卒年五十二
釋光意姓河內氏內州石川郡人容姿閑雅
音韻清亮每臨講席道俗傾聽大同年中爲
寂勝會座主有舉問辨如流暮年齋食不緩
弘仁五年三月終于本鄉壽七十八
釋常樓姓秦氏洛京人幼隨善珠出家天資
聰明日誦萬言兼有外學年二十受具戒闡
揚真教廣化四衆延曆末敕住秋篠寺弘仁
五年十月逝年七十四

釋常騰姓高橋氏京兆人也道業純淑博究
經論決擇義理獨步一時嘗著諸經注釋合
六十三卷學者傳誦弘仁六年九月卒年七
十六

釋品慧姓大原氏平安城人也十四離家二
十試所習射甲科乃受具足戒每逢論義推
爲雄豪年六十八爲維摩講師壽七十五亡
弘仁九年也

釋道詮姓百濟氏阿州人學業精粹弘仁

初當選任大宰府講師任中供俸車給佛車
不儲畜人貴之七年十一月寂年六十一
釋奉實姓荒田氏尾州人也天呼疎通心地
清朗紹隆像化闡揚玄風年及八十始學終
宗耽味而忘寢食恨得之晚矣年八十四亡
弘仁十一年也

贊曰延曆弘仁者

王化之流暢乎諸師生清世研真乘客以所
業東說西唱令後人想見當時之風流儀狀

焉嗚呼延弘之間者夫二諦之全盛乎

釋勤操姓秦氏和州高市郡人父母無子詣
駕龍寺玉像祈之母夢明星入懷則有娠天
平寶字二年生十二歲禮大安寺信實為師
後就善議法師稟三論之學神護景雲四年
敕於宮中及山階寺度一千僧操時霜覃涯
義學之名播一時弘仁中於大極殿講寂勝
王經講已敕更於紫宸殿集諸宗碩德各聚
義以操為座主操尊三論為君父斥法相為

臣子詞義瞻博於是相宗夙將陣亂旗靡上
賞辯論加僧都兼管東大寺幹事天長帝又
擢之主西寺幹事初操居大安寺隣房有榮
好者養老母於寺側一童爲役昔者七太寺
不騰庫煙廨院備飯到午時駕車入寺巡僧
坊行之每人四升好受之分爲四焉一分奉
母一分與童一分施行丐一分自喫先令童
送母食待童返問曰我母食不對曰然然後
下箸不爾不啖率以爲常操與好善常見之

貴好之篤孝一日童受飯忍泣聲漏于壁操
怪呼童問曰奚爲哭對曰我有二嘆一者我
師今朝俄亡生平甚饗何以供喪二者師母
不賜分於師飯師已殂矣母何所活思此二
事我淚不禁操聞憐焉告曰你莫愁也我與
你營好之葬又好母老羸恐聞好死迷悶氣
絕你早送飯不老時候慎而莫語也童喜送
飯如常母不知也操其夜與童潛葬好于野
不令衆知蓋訝好之母有聞也使童謂人曰

我師佗之次日操分飯猶好之爲也而送好
母童又得一分其後母問曰好父不來何乎
童曰我師每欲赴堂高賓俄來故止耳母常
問童互語慰答翌歲操有大賓急辦供童過
午不送飯童又被酒而睡客退操覺童而問
童曰我忤醉而未送操促之便以飯與母日
已傾母曰衰矣哉老婦乎以爲日已盱而好
或怠也今猶午時也童聞言好事午醉半醒
不覺而淚下母恠問童平爾曰媼豈不聞乎

去歲某月某日我師已寂思媼之悲痛未容
易言而已母聞之慟絕不起童悔未由也童
泣語操曰我若真子雖宿闇不忘母矣若又
禁酒豈有蹉口乎媼之逝也我之過矣操大
嘆乃共同志七人葬好母於石淵寺後操及
七人反寺操語而曰我替榮好養其母養未
艾命已斷未足酬好焉我欲薦冥福而補養
我等八人分法華八卷逢媼忌各講一卷爲
追薦公等許不七人皆諾便設四日二座講

席修之名曰法華八講會于時延曆十五年也每歲不缺諸寺名曰石淵八講相効修焉十講三十講相次而出皆奉於操也天長四年五月七日終西寺北院年七十夏四十七釋護命姓秦氏美列各務郡人五歲入吉野山宴坐數年歸省父母父母留居郡之山田寺十五依元興寺萬耀十七得度從同寺勝虞學唯識白月入山修虛空藏法里月歸寺誦習嘗於普光寺講唯識論疏忽頂上得舍

利又喫飯口中感舍利弘仁七年任僧都上表辭讓上不許屏居山田寺天長四年爲僧正承和元年九月十一日終元興寺小塔院年八十五時善守法師來問疾親逢音樂響天薰香盈室云

釋道雄姓佐伯氏敏悟過人從慈勝法師受唯識之旨尤通因明論又依長歲和尚學華嚴宗又就弘法大師習密法雄欲創伽藍未得勝地一夕夢山州乙訓郡木上山境致佳

麗翌日到其所果如夢中奏起營構官給工
糧合一十院名曰海印寺置華嚴教焉年度
二人于今不絕嘉祥三年任僧都仁壽元年
六月卒

釋安慧姓猶氏內洲大縣郡人母夢吞明星
有孕延曆十三年生及四五歲聰敏超軼七
齡事列之小野寺廣智俗之號喜隱者也智
異其才器携付台嶺傳教時年十三教寂從
慈覺受毗盧遮那孔雀等經天長四年試大

日經業得度紀年之間修三部念誦四種三
昧承和十一年爲羽州講師時管内皆學唯
識不知台教自慧開講州人棄相歸性上創
定心院置十禪師撰得九人闕一人得慧滿
數焉貞觀八年六月尚書省牒以真言止觀
兼明者補座主爲永式于時慧中選十年四
月三日卒年七十四經宿左手與願右手寶
印共不散云

贊曰業精千勤是負笈之事也四師異宗其

精勤者同矣加之操之靈也命之辯也雄之興也悲之博也豈夫邊幅乎

釋義其相列以從傳教大師入唐爲譯語沙彌貞元二十年十二月七日於台州國清寺受戒爲大僧又同教入曉開梨灌頂壇弘仁十四年四月十四日於根本中堂始行大乘菩薩戒羯磨眞爲和上時受者一十四人上詔諸宗述奧旨護命作研心章褒相宗空海著十住心論贊密教眞造天台義集世皆傳

之天長元年詔任延曆寺座主座主之職始於眞九年爲維摩講師台徒之預也眞爲初十年七月四日寂壽五十三

贊曰爲人之後者不失家法是爲嗣嫡矣眞公居睿山第二世而孳孳勸勗故承

明王之崇恩始領座主之高職可謂不忝家業乎及柄圓戒之法事豈國清親受之異熟與思其從事於羯磨不多違錯而已

釋圓澄姓壬生氏武州崎玉郡人母夢偃卧

屋上身映日光忽腹生白蓮華覺後有孕寶龜二年生甫七歲新羅法玄摩頂曰汝必爲人師十八事道忠菩薩忠者鑒真之神足也使令左右最昏無倦間即誦習忠愍其懇誠授菩薩戒名爲法鏡行者延曆十七年上睿山從傳教落髮教改今名時歲二十七二十三年教奉詔入唐澄其年四月就唐僧泰信受具足戒明年教歸教於紫宸殿修五佛頂法撰諸名德受灌頂澄預數焉是宮中密灌

之始也大同元年十一月二十三日教於止觀院藥師像前率數百人授圓頓菩薩大戒澄又預焉是傳大戒之始也弘仁八年三月教授圓教三身蓮華因果常寂光土等義曰我大唐傳來台宗奧旨既入汝心宜挑流傳之燈永永不絕十三年六月四日臨終先授止觀三德之義止觀心要是也澄悲喜交合初大同二年二月一日教始修法華長講擇七碩德各配一卷爲講師第一卷教自講第

二卷以澄領之三年三月八日修金光明長講又以澄當講師是本朝二經長講之始也澄勸淳和大店製祐伽梨施國清寺衆蓋厚本也天長十年爲天台座主承和四年十月二十六日告弟子慧亮曰先師往年語曰我歸朝之時白國清寺座主大衆曰歸本國後常遣請益留學二僧請次圓教深旨我滅後汝宜撰人踐海我承遺命顧門屬未得其人唯楞嚴院禪師可充此任故我勸此人入唐

請益我命在今夜不待此人爲深惜耳今以請益大德所置三十餘條疑問并傳法記草雜書等託汝須彼禪師歸朝必受諮決是我懇志也便於寂光道場其夜三更奄然卒壽六十六臘三十四楞嚴院師者慈覺也贊曰傳教攻苦食淡之時諸子之執役者不少矣獨澄預於三始可謂榮焉乎託六赤之孤寄百里之命澄其人與澄其人與



元亨釋書卷第二

